



Tarnikkut nappaateqartut ikiorneqarusunnigitsut imaluunniit nappaatiminnik paasinninngitsut tungaasigut tarnimikkut nappaateqartut, peqqinnissaqarfiup kommunillu akornanni attaveqatigiinnerit naalakkersuinikkut sukaterniarlugit qanoq ililluta pitsannorsaasinnaavugut?

(Inatsisartunut ilaasortaq Agathe Fontain, Inuit Ataqtigiit)

(Apeqquteqaat aallaavigalugu oqallinneq)

Demokraatini aallarniutigalugu apeqquteqaat aallaavigalugu oqallinnissamut siunnersuut qujassutigaarput, saqqummiunneqarmat ataatsimiititaliami tusagassiutinilu annertuumik oqallinnerup kinguneranik. Tarnikkut nappaateqartut aamma psykiatri pisariaqartumik oqallisaavoq, taamaattumik qujanaq ullumi aamma oqallisigisinnaagatsigu.

Naqissuserusupparput tarnikkut nappaatillit immikkoortorta qarfianni sulisut kiisalu sinerissami najuga qarfinni tamani sulisut, tarnikkut nappaatilinnut immikkoortortat aamma oqaloqatiginnittartut tarnikkut napparsimasunik sullissisut ullumikkut suliaat annertoq pillugu qutsavigisariaqarmata.

Uani apeqquteqaat aallaavigalugu oqallisissiaq tunngavia aamma assortorparput oqaatigineqarmat tarnikkut napparsimasut pisariaqartitsinertik naapertorlugu ikiorneqarneq ajortut.

Tarnikkut napparsimasut ilaat pisariaqartitsinertik naapertorlugu ikiorneqarneq ajorput, allat ikioqquneq ajorput sualummik inissiisarfinni aamma tarnikkut nappaatillit immikkoortortarfiinut tarnikkut napparsimasut unitsinneqarneranni imaluunniit tarnikkut nappaatilinnut sunngiffimmi ornittakkani - kiisalu tarnikkut napparsimasut isumassorneqarnerannut atatillugu malitseqartitsinerni tamakkuuppullu immikkoortut pinngitsoorata misissortariaqakkagut.

Timigissarnernut peqataasinnaanerit aamma aaqqissuussamik timigissarnerit imaluunniit timi atorlugu suliaqarnerit pissutaallutik pinngitsaaliilluni unitsitsisarnerit nunani allani ikileriarsimapput. Qullit ator neqarsinnaasut aamma piginnaanngorsartarfiit aamma iluaqutaasinnaapput. Ataavartumik oqaloqatiginnittarnerit aamma ataatsimeeqattaartarnerit - napparsimasut peqatigalugit - soorlu nunap immikkoortuini tarnikku napparsimasunut immikkoortorta qarfiit atuleriartugaat - sakkutsialaavoq aallartinneqarnikoq. Nunap immikkoortuani tarnikkut napparsimasunik sullissinermi tarnikkut napparsimasut attaveqaateqartittarnerat aamma nakorsaatinik atuiinnarnissamut qularnaarisarnerit kiisalu



tarnikkut nappaatilinnik aallertarneq tarnikkullu nappaatilinnut malitseqartitsisarneq pissutaapput ullumikkut tarnikkut nappaatillit amerlasuut unitsinneqartarnerannut.

Tarnikkut nappaatilinnut immikkoortortami aqutsinermut, pilersaarusionermi aamma tarnikkut nappaatilinnut immikkoortortami sulisunik malinnaanermut atatillugu aamma immikkoortortaqarpoq misissortariaqakkanik.

Tamatuma saniatigut aamma isumaqarluassaaq tarnikkut nappaatit timikkut nappaatitulli pineqartartuuppata, tigussaasumik, iliuusissanut pilersaarummut atatillugu malitseqartitsinernut atatillugu. Aamma piginnaangorsarneqarnissartik pisariaqartippaat, ataqatigiissumik sullinneqarnissartik kiisalu uninngatiinneqartarnissartik nakorsaatitorlutik peqqissivinnissamik tungaanut.

Tarnikkut nappaatilippassuarnut ajornartorsiutaasoq tassaavoq attaviminnut attuumassuteqarnerat - ilaqtannut ikinngutinullu - kiisalu inuiaqatigiinnut attaveqarnerisa arriitsumik suujunnaariartornissaa aamma periaannaasarpoq. Isumaqarluarpoq peqqinnissarfiup ilaata tamatumap allatulli pineqarnissaa aamma pisariaqarpoq pikkorissunik aqutsisoqarnissaa, piginnaanilinnik sulisoqarnissaa taamatullu sulisut ilinniartittarnissaat taamatut suujunnaartitsisarneq peerneqassappat.

Tarnikkut napparsimasut tunulliunneqartarput imaangilaq namminneq oqarneq ajormata pissutaavorli amerlaqisut - najugaqarfinni sullissisut ilanngullugit - tarnikkut nappaateqarnermut naammattumik ilisimasaqannginnerat taamaasillutillu pitsaanerpaamik ikiuussinnaasanninnerat. Sakkortuuliortarneq inuiaqatigiinnut mattunneqarnermik kinguneqartarpoq naak tarnikkut napparsimasoq eqqortumik nakorsarneqartuuguni, nappaataa paasineqartuuppat ikorfartorneqartuuguniluunniit, pitsaanagerusunik inuuneqalersinnaagaluartoq. Demokraatini kissaatigaarput immikkoortut assigiinngitsut suleqatigiillutik ineriartortitsissasut, nassaariniallugu pitsaanagerusumik nappaatinik paasinaasarnissaq paqumiginnikkunnaarsaassasullu.

Sulisut ilinniarsimasut naammattut pigineqanngippata ajoraluartumik pitsaaliuineq iluatsissinnaangilaq ineriartornerlu killormut saatillugu. Qujavugut suliaq aallartinneqarmat taamaakkaluartorli isumaqarpugut nukittorsaasoqartariaqartoq sulisullu amerlineqartariaqartut.

Kingunerisariaqarpaa aqqissuussaasumik inuusuttatsinnik ilinniartitsinissarput peqataanilli aamma aqutsineq nukittorsartariaqarpoq, sulliviit tarnikkut nappaatilinnik sullissivinniittut nukittorsartariaqarput, oqilisaassinerit pitsaasut, pikkorissaanerit piginnaangorsaanerillu aamma pisariaqarput.



Sulliviup avatangiisai pingaaruteqarluinnarput, sulliviit eqqartortillugit - minnerunngitsumik tarnikkut nappaatillit eqqarsaatigalugit.

Tarnikkut napparsimasortagut ataqqinartumik inuuneqartariaqarput, misissoqqissaarneqartariaqarput, ataqatigiissumik sullinneqartariaqarput aamma ikiorneqartariaqarput taamatullu sullinneqarnerminni sumiiffimminnilu kialaartumik pineqartariaqarput.

Qulaani taasagut tunngavigalugit Inatsisartut oqaaseqaateqarnissaat ilalinngilarput, isumaqaratta ilumuunngitsoq tarnikkut napparsimasut tamarmik pisariaqartitsinertik naapertorlugu ikiorneqarneq ajortut.

Qujanaq oqaaseqarsinnaagama.